

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3303 del 28/11/2023

Traduzione in mòcheno

Òrbetn bail de binterzait en Trentin: s sai' offet de zaitn ver de kandidaturn

De Autonome Provinz va Trea't hòt vourtschbunnen haier aa, za tea' au de personal verbung "Der trentinische turismus suacht e di" ver de binterzait 2023/2024. Der zil ist der sèll za trèffn se pet de lait as enteressiart sai' za òrbetn pet de turistik operatorn as suachen u'stelltn.

De òrbetbèrk va de autonome Provinz va Trea't - gèltsgott en a zòmmòrbet pet ASAT, Confesercenti, Confcommercio, bilateraln Dinstn van turismus, Cigl, Cisl ont Uil - nimmp au de kandidaturn ver za tschernen de lait as enteressiart sai' za òrbetn bail de binterzait 2023/2024, ont asou laichtern de trèffn zbischn de turistik operatorn as noch sai' za suachen u'stelltn.

Iberhaup, de òrbeter barn se meing u'mèlln ver de òrbet as mear keart en no sèll as de sai' guat za tea', der barn asou toal mòchen van a list turismus ont de operatorn van turismus - pet de hilf van Centrum ver de òrbet ont/oder de Vraischèftn van òrbeter - der barn meing hom de doi lista ont vrong zertifikareta u'stelltn.

De iniziativ ist kemmen guat bider gamòcht en de jarder gèltsgott en oa'ne Protokoll u'ganòmmen schoa en 2020 ont bider vernaiert en de ziln en 2021. Zil van protokoll ist sèll za mòchen bòcksn ont versterchern s òrbetn en turismus van trentin pet an opfer òlbe mear guat ont zertifikart ver za meing gem en turist eppes as der bart nèt vergèssn ver za tschernen òlbe s inger lònt ver za vertraim de ferien en binter.

De òrbeter as men suacht gea' va de koch ont va de u'stelltn en de birtshaiser as sai' en inngòng, de sèlln en birt, en de kommern ont en wellness.

Abia za u'mèlln se:

Der òrbeter enteressiart mu ausvilln der form as ist as de sait va de Agenzia va de òrbet, oder vrong en Zentrum ver de òrbet van lònt bou as der ist ver za hom a hilf.

S u'mèlln se bart kemmen gem en de Vraischèftn ver de òrbeter van turismus ont en de operatorn van turismus as suachen òrbeter; asou de òrbeter barn kemmen gariaft dirèkt van pauern van sektor oder van Zentrum ver de òrbet.

Abia vrong òrbeter:

De turismus operatorn meing vrong de na'm van òrbeter as vrai sai' ver en sektor as de belln turch der Zentrum ver de òrbet as keart ont/oder de Vraischèftn van òrbeter. Ver mearer informazonen ver za vrong u'stelltn mecht men sa hom as de sait va de Agenzia va de òrbet.

Ver za meing zòmmòrbetn pet de Vraischèftn ver de òrbeter, de Agenzia ver de òrbet bart meing mòchen òndra dinstn va couting ont nochrìchtn mear dirèkt ver sèll as de bèrk suachen.

Ver za bissn mear

suachen as de sait va de Agenzia va de òrbet:

<https://www.agenzialavoro.tn.it/TESTI-AVVISI/IL-TURISMO-ASSUME>

Ibersetz gamòcht van Sprochtirl va de Tolgamoas'schèft Hoa Valzegu' ont Bersntol

(cdt)